語

石

燕泰諸國一則	北朝四則	南朝一則	晉二則	三國魏蜀吳二則	,後漢一則	漢一則	泰一則	三代古刻一則	卷第一	語石紋目	

1	चंद्र	efe:	ार्टि	1달.	र्	ক্র	Ŧ		事	产	
偽齊一則	南宋二則	宋四則	南 居一則	吳越一則	前後蜀一	南漢一則	五季一則	唐僭號一	唐十四則	隋四則	
			附楊吳		則			則			77 E
			閩王氏								
			北漢劉氏							,	- Commence of the same of the
			楚 馬氏								

總論各省石刻一則	宋元碑難得一則	卷第二	杜撰年號一則	國號書法一則	明一則	淮張一則	元四則	吐蕃一則	西夏一則	逢金五 則	
									•		

The second secon	安徽二則	浙江四則	江南四則	四川三則	河南二則	甘肅三則	山西三則	山東五則	直隸四則	陜西石刻三則	求碑宜因地一則	
				•								1.1

F		<u> </u>		 					·-			
	五嶽	和	奉天	貴	雲南	廣	廣	湖	湖	福	江	
			` 				廣東三品	湖北三則	脚南二則	福建三則	江西二則	
M. C.	則	則	則	則	則	. 刈	則	ניאָן 	判	判	火 り	
)i					•							
								•				
							,		.1			,
!			 									
13.1				•		į	; ;					11 3
												CV (1/2)

卷第三 四瀆一 日本二則 朝鮮三則 碑穿二則 論碑之名義緣起一 歐麦雨洲二則 安南二則 碑陰五則 碑额七則 禪側三則 一則 则

石目	格論一則	書札一則	符牒四則	韶敕五則	封禪一則	字書小學四則	石經二則	立碑總例一則附德政碑	論碑帖之分一則	嶋 首題字一則	穿中刻字一则	

卷第五	刻經八則	程幢入則	字圖一則	塔銷一則	墓誌十八則	詩文一則	卷第四	界至四則	譜系二則	與章一則

お育言一則	摩厓一則	題名八則	石闕一則	柱礎二則	井闌一則	橋柱二則	地圖一則	畫象五則	造象十二則
		*							

石人題字一	楹聯一則	題榜一則	11 11 11 11 11 11 11 11 11 11 11 11 11	符錄一則	詛盟一則	古語一則	書目一則	醫方一則	_	
則			-					-	則	則
				**		477,35				

碑文求新一則	碑文襲舊二則	兩人合撰一碑一則附一石兩文	詩體一則	碑版文體 二則	總論撰書一則	卷第六	石刻雜體一則	石盆題字一則	石香爐題字一則	石獅子題字一則
	· ·									

書人題款二 父子撰書 撰書人稱謂一則 撰書位次三則 碑版有資效訂 篆衙題款 總論撰書題款二則 碑版有資風教 撰人題款二則 **羁錄碑文一則** Carlotte Charles 一則 則 则 则 則 則

不石目	打本一則	歲時月日例一則	建造樹立一則	古碑先立後書一則	選石一則	施石一則	石工一則	一人兼書篆鐫一則	刻字五則模勒附	畫人一則	撰書人稱字稱別號二則	
											メリ	

			_		100			્ . પ્	نوا و حدودها	Care Service
歐陽通一則	諸為思楨一則	暢整一則	質懐哲一則	于立政高正臣一則	趙模股令名魏栖梧一則	薛純陁一則	褚颜訔所自出一則	總論唐吉人一川附舜選	總論南北朝書人一則	卷第七

Clumn.	田瀬一則	張少悌一川	嚴武一則	張旭一則	呂向一則門遊冬曦賀知草孫季良咸廙	蕭诚一則	鍾紹京一則	斐漼朱儋一則	王紹宗一则	沮渠智烈一則	薛稷薛曜一則	これでは、これでは、これでは、これでは、これでは、これでは、これでは、これでは、
											1	

實泉一 張誼 王縉 張從申一則 陳諫一則 鄭雲逵一 章縱胡証一則 陳懷志陸長源李紳 質易直 王士則一則 柳宗元劉禹錫 一則 一則附荷望 則 一則附資電鄭餘慶 则 則 則

	総論朱初書人一則	總論五季書人一則	唐碑上品一則	唐人工書者多湮沒不傳一則	唐人篆書名家一則	唐人分書名家一則	工行滿吳通微蔴靈芝一則	邬形突虚已胡季良一則附陸展金貞等	范的一則	裴休一則	沈何仰一則	
--	----------	----------	---------------	--------------	-----------------	----------	--------------------	-------------------------	------	------	-------	--

王背一 楊虚己一則 石曼卿秦少游王晉**卿** 薛紹彭一則 歐陽文忠一則 薛昂李邦彦一則 蔡京蔡卞二則 劉次莊王同老 趙明誠一則 米友仁一則 一則 一則 則

/17 17	宗藩二則	唐宋宸翰五則	卷第 八	總論元書人一則	總論遼金書人一則	朱人書精品一則	李智伯一則附趙公碩康肅張本中	張卽之一則	朱文公一則	范文穆陸劒南一則	李彌大一則	
		-										

外國人書一則	仙蹟一則	羽冠一則	緇流二則	婦人一則	奄人二則	奸臣三則	武人一則	詩人一則	名儒一則	名臣二則	マスト

₹रे

一个石田	行草二則	分隷三則	飛白一則	篆籀二 則	各體書二則	一阵雨人書一則	各人分書二則	集歐集裕集顏集柳一則	集 北 宗 書 一 則	集王一則	鄉先哲書二則	
1 1							:					The state of the s

卷第九	 	一碑字體大小不同一則大小字一則	唐梵二則 契丹西夏女與蒙古畏吾兒唐古忒書一則
-----	--	-----------------	---------------------------

塡諱 棋子方格一則附橫線直線雙單線 **妄人題字一則** 避諱五則 **商曾書法一則** 空格待塡←則 横列三則 碑末題字變例 擡頭三則 碑文脱譌塗乙旁注 回樂環刻一則 二則 則 則附夾注挂線擠寫

_						-	• .	1			1 m
// 117 mm	金石圖一則	著錄一則	封禁碑文一則	帖架一則	裝池五則	觀紙墨知何省拓本一則附朱拓藍拓	精拓二則	殘本足本二則	縮臨本一則附攝影本石印本	雙鉤本一則附木本原填本	孤本一則
1111						一盏拓 					

余幼長室衡咫閘荒陋見世之號能書者其臨池棐几惟有 碑估 藏石一 木刻 校釋碑文 資刻 碎俗名一則 隋唐以下金文二 訪碑閩 護惜古碑 殘石位置 則 則 則 則 則 則 則 則 一則 Contract of the Contract of th

宋元元覽中區旁徵島索制作之名義標題之發凡書學之 晉唐法 經之言日碑版 兩公之緒言每得模餬之拓本舰娰觑辨其跟肘雖學徒亦 部尚隱管 石刻但以自書 誹 一苦於入門之無自 水迎二 兒在日每得 权 同年沈子培比部游上下其議論盆浩然有望羊之歎 而揶揄之洎通籍居京師與陸蔚庭王廉生兩前 帖及醴泉皇甫聖教諸碑而己嘗聞亡友姚鳳生 十年藏碑至八千餘通朝夕摩挲不自知其耄 明經操養從事碑版之學又習聞 一石紋 石本助予討論後進來學亦問有樂予之樂 大小字貽之爲書觚之法程比稍長與王農 至唐中葉後可等諸自檜其韶學僮未嘗 因 輯 為 此 ŧ 編 以飾同 内 出 移筱 湖古 珊魏稼 初下迄 軰 叫

The state of the s

とこと 好論書 鑾輿未 始卒業都四百 雜 耳雖 降城寿之源流以逮 角檢得之 厠自首 非輯錄但示津塗 良庖日調五味五 則吾豈 **廷撞鑫** 然 返 至尾可析 平避地歸室 豺虎塞途 知者未 敢自庚子三月舠豪中更國變麻鞋出走未 測率古今書家進退而甲 八十六通分為 必能能者 Contract the second second 鍵 可并既 侯之鯖 戸 聊資談固藏身人海借項耗奇若 摹拓裝池 如懸罄殘練朽炭狼藉滿地此葉從 無聊危言 未必好余固知之而好之者 非 十卷粗可寫定介不善書 咄嗟可辦 歐趙之目亦非潘 軟聞瑣事分門別類不 日出至今年十月下旬 乙之 此能者之事 祇見其不知 王之 也 例 щ ιψί 相

一親深神斤鬼斧鉤小陶角此能者之事也而余則載寢載與 余則食前方大但知風壓而已又譬之工師涼臺煥館棟字 矢之質的面線素剝膚也習見余之惡札者又將訝其言之 不類也故書此以解嘲云爾 如君子之攸芋而已是害出懼世之耳食者將以余為集 忘紀述舛靄亦所不免仲午比部慫惥付梓並力任 距辛丑寫定又八年矣海內故交宦轍所至已有今昔 聞略有增益丙午歸里養疴濱川再加釐訂去其稪重 此書脫棄後越二月卽奉視學甘肅之 之殊伏處山野書間疏曠其所不知或未追改老而 一十七年歲在辛丑十 石文 月長洲葉昌熾自序 主 命度雕

秦介侯大令青浦張亦錢中翰及同里張权鵬孝廉也古誼通懷咸何能已此外訂疑勘誤相助爲理者上海訂之役郵筒商権積書盈篋自去年長夏至今始職業 宣統元年成在已酉三月目熾又記

語石卷 是成周古刻海內石刻當奉此為學祖右三代古刻一則 秦始皇帝東巡刺石凡六始於鄒樨次泰山次琅邪次之罘 攻吉日之遺鐵索金繩龍騰鼎躍亦非李斯以下所能作自 徵惟陳倉十碣雖韋左司以下眾訟粉如釋其文詞猶有重 之刻僻在蠻荒箕子就封之文出於羅麗半由附會於古無 銘質道家之秘文比于墓字豈宣聖之遺跡至於鬼方紀功 一代鼎彝名山大川往往阴出刻石之交傳世蓋尠祝融峰 碣石而會稽遂有沙邱之變今惟琅邪臺一 內通行拓本皆十行惟段松荅所拓精本前後得 長洲葉昌熾 刻尚存諸城

State of the state

秦篆相較不僅優孟衣冠之誚東里所推爲第一本者巳 論 峄山翻本次第長安第一紹與第二浦江鄭氏第三應天 |時卽有摹本杜詩所謂聚木傳刻肥失眞者是也楊東里集 存十字耳之宗碣石會稽三刻久亡峄山唐時焚於野火當 鄭文寶得徐鉉摹本重刊今尚在西安府學以泰山琅邪眞 府學第四靑社第五蜀中第六鄒縣第七所謂長安本者宋 玉女池上後移置碧霞元君廟乾隆五年毀於火今殘石僅 刻於東平郡江鄉幾守奉符又刻於縣解汶陽劉践嘗親至 此其餘六本自部可知泰山碑宋莒公所得本僅四十七字 二行翁阮孫三家著錄者皆是也泰山二十九字先在綠頂 一八年間は本門出土十十 一絡頂刮摩垢蝕所拓之本最為完善可讀者几百四十 加加

有六字作秦篆譜元申徒馴重摹會稽碑跋云行臺侍 歐 處異所 處異獲 卿有摹本之呆殘石 碑存耳 臺碑朱熙宵中廬江文勛別刻於超然臺今亦不 所 圳 陽 家集古所錄三 公集 謂秦篆遊文者歐公云二十七字汝帖又損 碑文欲求前 劉 貀 刊成豐癸丑以前吳山夫嘗登尊 古錄石刻無西漢文字公於宋文帝神道碑跋云 政譜朱廬 战 71.7 本刻于姓業郡庠即指此譜驛 漢時碑碣卒不 代以來鐘鼎彝盤銘刻備有至後 _ + 山陳 四字在 氏嘗刻入甲秀堂帖近漢陽 可得是則家墓碑自 妆帖第三卷即歐陽集 į 經閣訪之僅釋 山應天本 共 漢以 一後漢 御 耳 亦 夜 玻

鳳 也至居攝填壇一刻及萊子侯刻石已在新室篡漢後矣右 此 東 前 趙諸家校腳道元水經注所引十種存四五而已以萬泉淵 如諸家校歐趙著錄及洪文思隸釋隸續十僅存二 來始有也趙明誠僅收建元二年鄭三益闕 外趙廿二年羣臣上壽刻石出永年河平三年應孝禹 澳 漢以後門生故吏爲其府主伐石頌德獨於郡邑然以歐 石 刻淪胥良可慨惜然荒崖峭壁游及摩挲梵刹幽宮耕 刻金明昌 肥城元鳳中廣陵王中殿題字出甘泉皆歐趙所未 則 二年得於太子釣魚池側今尚存曲阜孔 種可 而已 知其 廟

アイニ

瞭然便於搜討好古者其按圖以索馬右後漢一則 蜀石不獨今無一刻卽歐趙洪三家亦未聞著錄與地碑目 一碑及九眞太守谷朗碑尙完好可信耳蜀無片石侍中楊公 僅存碑額禹陵窆石樂史云赤烏中刻然無年月惟禪國山 道而七孔羨碑黃初元年立張稚圭据圖經以為梁鵠書受 一發捆往往為前賢所未見諸城尹脫年廣文輯漢石存時地 闕錢竹汀宮詹定爲褚干峰偽作近出之章武石琴題字更 依託不足信吳簫二將祠堂記亦偽 有臣繇名則以爲太傅書者近之吳天發神讖碑巳亡葛祚 禪奏進二碑亦相傳為鵠旾或云鍾元常筆按勸進諸臣中 三國魏碑有受禪表上尊號孔羨范式王基曹寅及李苞閱 《右十————

| 典不得為銘此則碑禁尙嚴也晉武帝咸甯四年又詔曰 |蜀之君臣倉皇戎馬不遑文事於此可見是亦及古者之處 梯巖架壑摉訪極博章武以後炎與以前亦竟無韓陵片石 姜維碑不著年月未詳其為蜀刻否劉燕庭輯三巴善古 則在宋時已為有力者負之而趨忠州有嚴顏碑南平軍有 中裴松之又議禁斷觀此則魏晉兩朝屢申立碑之禁然 甘露二年大將軍參軍王倫卒倫兄俊述其遺美云祗畏王 朱書禮志建安十年魏武帝以天下雕敝禁立碑高貴鄉公 有涪陵太守隱肱闕肱士元之子也其石藏左綿任賢良家 これでは、これのことのできないというないというないというできます。 これのないはないできない こうしょうしゅう 私美與長虛偽莫大於此一禁斷之義熙中尚書祠部 A 1 20 1 4 即 志

題名及墓門之闕隧道之碣而已 庾諸公之薨必須綽為碑文然後刊石可見當時法網雖嚴 未嘗禁絕是以趙德甫所收晉碑自鄭烈彭祈以下逾二十 臣長吏人皆私立晉書孫綽傳於時文士綽爲其冠温王郄 世傳墓誌始於顏延年晉以前無有也廣博物志援吳志張 承為凌統作銘誄又漢西都時南宮寢殿內有醇儒王史威 侯君殘碑為諸家所未見典午貞珉已歎觀止此外惟石室 長銘以為椎輪之始不知王史威長銘見博物志僅八句三 十二字則亦如趙岐刻石僅志姓名而巳張承作誄猶杜篤 郭休碑太公呂窐表建甯太守爨寶子碑余藏永和乙卯 但皆澌滅今歷有存者惟任城太守夫人孫氏碑明威將 רח 1 Ī

ことがないというというないというとなって

之於吳漢潘岳之於楊荆州馬涆督未必刻之石也余見晉 迹及與地碑日寶刻 在 道安上長王君神道皆施之墓門者劉韜房宣兩誌僅書歷 庾徐兩集鉅製如林蘭成猶入周後作若孝穆所撰諸碑皆 碑版文字昭明文選即有王仲寶王觬栖沈休文碑文三首 阮文達謂南書長於簡札北書長於碑榜是已然南朝非無 無墓誌可也楊君神道歸安姚彦侍方伯所藏王君神道 官諱字年月世系非如唐人之鋪敘功伐文詞詳贍雖謂晉 房宜墓誌福山王廉生祭酒所藏皆新出右晉二則 如侍中賈君闕韓府君神道巴郡察孝騎都尉枳楊君神 江左嚴子進待訪錄采摭金陵佚刻得於張敦頤六朝事 類編者尚良然成帙但閱歲綿違銷

興道 遠在浜南新 华 陳張慧堪兩誌皆不可得見新羅眞興王定界碑在朝鮮 烏有今存蕭梁諸闕及貝義淵書蕭儋碑精嚴遒勁與北 之岑県未爲定論齊陳更稀如星鳳歐陽公所收齊宗慤 見矛腸郡王蕭敷及敬太如兩誌與刁遵高湛如驂之亦 不頻黃庭樂毅諸小楷也樂碑尚有流傳朱惟有製龍原 **子遺錢竹丁先生云相傳明祖營治都城盡輦碑石爲街** 勢正 所毁無疑 中嶺鎮解題戊子秋八月當陳光大二年中土 同何曾如王侍書之院體邪蟲館潘文勤師滂喜齊 嚴尚多私立 嗚呼此亦斯文之浩劫已右南朝 出之劉懷民墓誌端午橋制府藏石或以為戶 **| 1** Ĺ 期 一則危 無 成 母 碑 穥

100 may 200 may 1

さんし いっているとのないないないという

陽寺諸碑為梵刹立碑之始他如造象刻經浮岡山三級 請宜其照耀四裔已阮文達云宋谭絳閤 六朝始盛寇謙之嵩高靈廟碑為道流立碑之始嵩顯寺尚 碑往往至今存也釋迦氏之教雖東漢即入悉旦精監象設 供億之苦不至曳倒而椎碎之此所以西北諸省魏齊周 原碑碣 以為道武帝天赐三 於是時惟 七級而九級幢柱 兼精分隸蕭雲上表不以晉令為嫌阮略樹碑無待齊民 縣志司馬景和妻墓誌銘首稱魏代或以代為朝代之 任其霾 太和以前著錄絕少案從卌人造象靑陽吳式 蝕余謂惟世所弗尚故椎 四田山 年造未為定論 面而六面而八面踵事增華莫不 帖 拓者少縣官亦 刻石盛行而 中 無

之代也 猶 魏自是之後無改國稱代之事而魏碑數數有之碑石當時 爾今按此所云魏代正是代魏兼用之義又按後魏太安| 授堂金石跤日道武帝紀 年中綠廟碑內有大代應期之語亦可明此所謂代非朝代 初纖奏改代為萬年浩日太祖道武皇帝應期受命開拓洪 一武天與元年議定國號攀臣頗稱代而道武不許乃仍 刻不應妄但史失其事耳金石錄云余按崔浩傅云方士 諸所制置 殷商葢當時國號 無不循古以始封代土後稱為魏故代魏兼用 × . 雌稱為魏然猶不廢於封故兼稱 ٠, 天興元年言國家萬世相承啟基 5 郗

非也按集古錄太武大延五年大代修華嶽廟碑跋云

魏

帝實不從而魏修中綠廟碑于大代太 平公选象記亦云暨于大代太和七年孫秋生造 **氢代應以為號帝下詔宜承先號以** 八書之法 一魏碑版流俗率相承作魏余見劉懿墓誌: 懷感以後海字分崩置君 與家文合四門豹碑陰凡魏郡亦俱作魏 太平眞君之際南北始各統於一 碑文余所見者有孫廣武將軍碑鄧太 可證 例誌文兼號魏代此必史氏之疏也圖詩碑額題 公暉福 子可門勺車食L鬼即亦具 F 進石北然山字在下元象元年壽聖寺造象和 15年十年四月 新西田中人 如弈棋建 為魏則當時 共 和兩見太和二年始 國 別一百四十餘年 尉 **如傅舍至宋元嘉** 石 碎皆苻堅 象記首 **炎號稱** 頗 合

題字此外未聞趙明誠金石錄收劉聰嘉平五年司徒公劉 學一大關鍵也尤可異者前人 **隋碑上承六代下啟三唐由小篆八分趨於隸精至是而巧** 雄碑劉曜光初五年佛圖澄造泉碑又有橫 元中立白 徐李顏柳諸家精詣無不有之 M 汌 、兼至神明變化而不離於規矩濫 豹洞 在整齊之中仍饒渾古古法未亡精華已 妙囿於風氣未可强合至惰則渾一 殿基記皆石虎建武六年立今並佚右燕秦諸 石神君碑岭有燕慕容儁元甄三年主簿程班家 書至唐始烜赫此誠古今書 歐處皆仕隋其此誠古今書 謂北書方嚴遵 承險怪之後漸入坦夷 區宇天 |泄唐歐虞褚薛 山神李君 下申文並無 動南書疏放 碘 國

其石具在未有如世所傳法帖者豈平陳之後江左書派亦 於山陰法乳更為町畦未化已 與國步俱遷平以此愈可知宋時閣帖轉展智搨鎮王郊 **內派之說猶不免調停之見覃谿論唐初歐褚諸家** 一千佛 由虛造余嘗欲輯幣石記以明書法流別覺阮文達南 輔泰晉之郊亦無蓮臺百億涌現於層崖峭壁閒 北之限乃審其字體 門佛象 山盆 **琅邪背院亦多隋人造象碑葢開皇大業之閒惟** 都之雲門玉函 干餘龜而隋刻寥寥無幾問皇表悲明 一而廟堂之制作下而問巷之鐫 兩山嚴洞纍纍皆隋刻也其次 僅三刻 惟厯城 一歸之 詂

作委蛇 自音妥隋者 玉蜡金石存 堅妄改之不學之過也予按隋雖音 通用以 下以隋從辵周齊奔走不甯故去辵從隋然見之 杜乾緒等造象首云大隨 借禪 裂終王 日欢随本春秋時國即今隨州隋文帝初受封於隨及 育作 同則隋隨同音可知又當時雖改随爲隋而 速唐初諸碑書隨爲隋者不 伯厚日隨安步也吉莫大馬隋裂內也不祥英大 委 不石 丁---蛇與唐扶碑以逶隋作委蛇 尸 日羅沁路史隋文帝惡隨从辵改爲隋不 / 祭鬼神之物亦云釁殺裂落肉之名卒以 開皇十二年歲在壬口王 安本亦有隨音衡 可枚舉此 劉 八 熊碑以委随 碑仍作 此安喜 砚 知

The state of the s

遭 砷 逨 本 隋以前 公李君 作隨 泉銘 可 隋所 **始分別用之耳不** 有隨交 孤行嚴 通用 跹 也吳 陵碑王元宗華陽觀王 朱子奢昭仁寺碑王知敬李衞公碑高宗李英公碑 碑無行書以行書寫碑自唐太宗晉祠銘始高宗之 右隋四 أفنا 儗 **| 喪皆書隋作隨葉慧明碑情隋地採牛夫人造象** 碑暄益州虛公清德文隨金 額 時從省故多書作隋 仍作大隨唐紀泰山銘 又云唐碑皆隨隋五川褚亮碑随開皇 则 計 則 隨為隋是二字通用之明驗也特自 獨隸書簡隋 A STATE OF THE PARTY OF THE PAR 一先生碑裴准少林寺碑皆 同用 非必與有所惡而禁不 爱革隨政亦然是一 州刺史贻孔子泰 即與書亦然 元載 廟堂 唐以 字 得 師 砰

學矣開元以後李北海蘇靈芝皆以此體擅場蘇書俗媚不 者蕭誠范的皆稱後勁張從申尤卓絕然綜論有唐一代 頓 行 亦皆傳鐵門限家法大愿貞元以後經生 闕 為世重北海碑版照四裔而世所傳正書惟有端 季良奚虛己其最著也 絶 外即任命則盧正道兩碑亦兼帶行體龍跳天門虎臥風 挫之妙不在其下其次則靈運沙門勤 景賢古書 筆勢縱橫殆由天授然自是而漢魏以來古法蕩然繼之 年 世豔稱懷仁聖教序不知隆闢大師碑彈 者緇流爲盛 宮銘紀功頌英國公李勋仰皆行書也可謂能紹其家 上溯智永下訖无可二百餘年衣鉢相 派即從 **丸舞劍瀏離** 州石室記 此出 兩塔

これを はないないということ

書居泰半杜子美詩云開元以來溯八分尚書韓擇木騎曹 殺 |侍書多學此碑學弗能至了無高韻因自目其書爲院體 北 仁聖教序出舉世澤為圭臬東觀餘論引書苑云近世翰 唐太宗喜右軍書至以禊帖殉昭陵上之所好遂移風尚懷 長安語云城中好高髻四方高 唐吳通微昆弟已有斯目竹雲題跋云懷仁聖教自唐以來 海張 林甚重此碑匪直與福寺隆 兩公主 為轉移唐元宗好八分自書石臺孝經泰華兩銘郎國涼 司直蘇武功亦皆從此奪胎自有院體之目光燄遂 一碑於是天下翕然從之開天之際豐碑大碣八分 《右十 聞法師碑為顯效其體即 尺書雖六藝之一亦隨風 九 林 由

Contract of the second second second

際有鄰今孜韓書有告華嶽文歙州刺史葉慧明碑蔡書 虚滅 魔履温碑尉遲迴廟碑章仇元素碑其餘若梁昇卿史惟 鐵幢重規燈矩眞氣鬱蟠可以上擀東京其筆法實在梁 諸公之上篆書皆推李陽冰同時有袁滋瞿令問鼎足而二 龍門奉先寺大盧舍那象龕記始于咸享三年四月亨字作 但其碑不常見世罕有知者耳 作 百亦作 寧只是一字經典相承隸省作享者音響作享 享錢竹汀云漢碑凡元亭字皆作享至子孫享之之類叉皆 中隸書最精者余尤服膺崔逸鬱林觀東嚴壁記王襲 : 亭攷之九經字樣凡元亭之亭亭獻之享烹飪之烹說文| 用田義旺並稱能品至建中以後此風稍稍衰矣然 Tu Tu The same of the sa 玔

見張 蒞 金 生 為蘇載為東國為因 **(** 赫 輸以一女子暗移唐祚 唐 為医當 月為 未有其所造十九字見宣和 武 新製字矣惟載字石刻皆作贏不作庾 時 平叉音魄平後人復別出烹字其實皆可 阿難碑 后 雖 B星為O君為風年為季正為古臣 秱 時葵臣章奏及天下書契咸 用楷書猶存篆隸遺法咸享卽 制 書咸亨為咸享疑其下筆之誤今此碑亦作 光宅 非 垂拱永昌尚 石必無外誤自較 威福自态舉朝屏息化 書譜云 未改字 天 用其字以石刻證 至載初 (為)
而 / 與宣 咸亨正是從古 書譜為得實余 爲 人為一生證為整 地為坐 通用也余 以 **恵照為曌戴** 和書譜 雞司 後 則 殷旦 日為 無 初

季公舊龍碑在莫高窟廖州刺史章敬辯智 見武 拧 州 題 爲惟聖歷三年于大飲碑不用新製字重 周 周癸巳之處無射月癸巳為長壽二年旣不用新製字亦 年號在武后時為僅見書者尚不忍忘 唐然不能不稱: 也張柬之撰父元弼墓誌稱永昌三年實天授二 可異者巴里坤有萬歲通天造象倚歸端午 **新製字點畫不差累黍雖秦漢之强聲靈遠訖何以** 周碑不 河東州刺史王仁求碑在雲南昆陽縣龍爺道場鉛 平田田 下數百通窮鄉僻壤緇黃 ベイオー 魏称孫云承昌改載 初載 尼無 |脩唐安寺記題大 城 碑 敦煌有柱 不奉行 在廣西龍 一年年月 維蓝 加 闽

膏去 也故懷武踐祚 一位之三年二月丁未始攻至德二載為乾元元年此後遂復 不當 称年矣自天實三 **淆亂則以其字不經見石** 称 天下重足何待言哉諸家著錄於鑿壁堂歷風風三號往 公同 以存唐正朔與淵明署義熙同意 唐背元宗紀天寶三城正月丙辰朔改年為越至肅宗嗣 天稱三季是其說仍未確也夫以來之恢復唐祚與狄 平者 稱賢相當其未反正 絶 無聞見意派昌時后雖稱制尚永竊帝位易國號 以此見唐之聲愿赫矣雖經安史之亂而民心未 一載迄至德二載簑區石刻 不旋踵而中與近出之劉智墓誌有 泐模黏不免誤釋 時尚不敢批其逆鱗則搖唇之 然張景之誌亦柬之 一律皆書載 耳 撰 即

書碑末至 臣安史旣奉唐號即不當書年字次憫忠寺寶塔頌亦靈芝 畫明白 惟張尊師探元遺烈碑書三年香積寺施燈功德幢書 年當是原文如此此外無書年者矣張尊師碑蔡瑋製文 所 正朔後始追改耳然稱聖 滋恐訟不知 年安祿山僭號也時兩京雖復河朔尚淪化外故不奉 撰尚有玉眞公主臨壇祥應碑在天寶二 如此而謂天質下肯稱年乎孫氏訪碑錄天質 一德二 顧亭林云天寶三年改年為載此在其前二十京國公主碑開元十二載八月辛巳薨于京邱 |載四字有重鑿痕映日視之葢原刻爲聖 ep 題天寶十五年蘇靈芝書者 年字而作偽之跡已灼然矣蘇靈芝雖 武即稱年稱至德即稱載金石 |年尚未改制 世相傳為齊 武 朝

というとは はない はんない こうかっかい かっかん

是也今文云真觀一載神龍一載當時元宗欲變年例未嘗 授堂金石 金草宗年號皆非唐也殆好事者 既誤大 千和 齋金石 和唐文宗紀年也著錄家往往誤作太和雖通人不免資 余部: 和削叉文稱隋仁壽 陰天李 為太叉改太為泰 跋日中歇 變文稱天資戊子歲李翰修比干廟碑變文稱天 跋尾有大唐泰 此奉行之過也 **秀碑稱天寶元載** 奚葢文字中偶一 不知太和後魏老文帝年號泰 和元年井閘題字在江宵齊惠寺 一載并前代亦追改之緇旅不學 同用 此 外祇博陵太守賈循德 依託耳唐亡於天 載稱年為 載 政

也 碑為之殿爲 扶 十年四 風怯 宗 朔其餘 年 天祐 昭陵 門寺塔廟 游 月是時唐之亡已十六年矣有唐三百年 四年以後 開 **藩與有舊君之思者朋亦** 7 桑 平元 生縣即 醴 中 泉 年時 記天祐 石刻未可 陪刻以 躞 李克 嵕 名陵五人 下摩挲 十 周 九 可 用父子及 年立 以亳 迥 其碑 一社已 證詳臣公 用 屋 側 斾 而疑 劉源題 年號改店 為傷

長安志為有據矣同人所見十六碑皆記其存字虞恭公碑 虞恭公碑以 **米可 司之 陪葬尊勝經在趙邨廣濟寺更非東閩秘器牛** 僅 肵 干邨九 **右蹟效略得十六碑康雍以後** 收豆 | 葬事而有佐命之勞見秦瓊傳或史闕交今其碑出土 殘碎最 石鼓尊勝經爲昭陵二十九種 一百餘字然翁草谿得稍瞀之拓本明白者尚六百字余 幔山後三十里不在百二十里封域之內雖葬醴 **盧寬張後允阿史那忠三碑不過百年以內拓本存** 林朝坦当時拓手未精後來者不難居上至單谿 後 細 出唐會要缺長安志增孫淵如云進達雖史無 紙淡墨精拓之可辨者二千八十六字則 出土者 然 人乙速孤父子墓違在 十二碑打碑人又 則

各碑於後又附以郭子 整本極 曲阜窓 捌 虞恭公温彦博碑則 文獻公高士廉 **為希觀昭慶為唐碑淵藪撰人書人皆極** 久塵埋下半祓深入土中亦未曾 **治郄為梢模也今詳列林攷十六碑存字並積出** 一公孔穎達碑 公房元齡碑 5 坐 兆記 陽觀 函 谝 所紀 府拓工情 朋 舉而出之故精 多次 19 紙其磨泐 一時之

中書令馬周碑仙堂職後長公主碑製 固文 散騎常侍褚亮碑年 英貞武公李勣碑 薛公何史那忠碑 **简景武公李靖** 禮部尚書張後介碑 汾陰獻丞薛收碑 者 本拓 昭公祖敦禮碑 消永 上俵劢上容元哲慶知紙 百顯文徽 餘慶存六 字元百年 今年十子 每御 殷学資餘文 已省 字王 十三字 产 文立勤政 師書

晉州刺史裴 冠軍 內侍汝 紀國先 左戎衞大將軍杜 鄂忠武公尉遲敬德碑 褒國公段志元邵貞觀 石虞侯副率し 右林氏所記 釋諸 华大將軍許洛仁 游家皆誤 衚 江 **业**陸氏碑 縣 禊 **將軍乙速孤行儼碑** 侯張阿難 速 元克 年封 孤神慶 歷開 自 自計

口壁绱菇云萬厯戊午四月余馬九嵕之遊距昭陵十里 芦 清 幽 柱 四國公唐儉碑開示 國德 河長公主 遐 州 諸 琳 倘有子耐共父孫附其祖者當時墓各有碑荒厓 右 **沈霾不少安必異時之不復出也**) 斷碑 都督 蕃君長立象七其背各有刻字皆未見拓 諸碑朱尚存見金石錄六駿石座有殷仲容所書 稻出十二碑據唐會要所記陪葬者一 陽 公碑 牛秀碑 一种年月物 年 泐 月泐 月 年 拓佚 本潘 魏徵程知節尉遲曾 百五十餘 本 斷

哲 家蓋 監 蹒碎撰書 立與温彥博碑搦者甚多土人捶其字殆盡彥博碑在 文皇以象其功土人謂上 東行半里許為劉洞 道旁冢得姜遐斷碑至 生嚴家翼日同行北 門將軍王君碑橫於田問又東行數十步 收碑折而西 一家 土人平之而并磨其碑耳以圖攷之疑是長孫無忌 河南正書又東數十步有高士廉碑又東數百步有李 南 姓氏殘缺與諸碑同而上半完好靖家作三山 北 相去不二里勣碑高宗御書高二丈餘嶄然屹 个石 十 里許為趙邨 邨流水界之渡而東有房梁公元齡 邨 則有段志元碑東行 冢李勋冢亦 北行里許為莊 如靖土 ナス 碑無字亦無 河邨未至先 人謂下 數 碑

里許得許洛仁碑又北半里許得

連有楮亮碑 北 冢 训 北得 也北北 數 芮 難碑鱗次都不百步旣 坪 尴 均郭氏八分書地僻揚者少故得稍完計其所見共一 小二碑余皆起之則與尉遲碑同葢土人捶而 **宰相墳仆** 撰 馬周 步 碑又有尉遲敬德碑自額以下埋土 四十 田 釋行滿正書 、歐陽詢書不復 掘 碑 阿史那忠碑張後允碑孔穎達 而 五里叱 搦數 於 狗 碑傳是鄭公碑其東 干事 邨之東得唐儉碑於 為乙速孤 紙余出之了無一 可 顺 **邨東二** 搨 叉得蘭陵公 至西峪 家 行 孍 邨 爲 山半數家土人謂 碑劉憲撰 字叉山 小陽 主 **邨東纍纍古冢相** 速孤 中聞十五年 碑於老君營 碑 邨之北又得 豆虛寬碑張 白義 半數家 昭 孙 施 H 脛 碑 拯 前

計 尉 速 廉豬亮房元齡薛收張允李靖尉遲恭萬陵公主許洛 周 十八里 1 綽紀 士廉 蘭泉昭陵陪葬孜按長安志太宗 阿史 七碑以其方位與昭陵圖攷之大略相同 里九嵕 孤 遲恭蘭陵公主許洛仁杜君綽紀國先如陸氏張 十五碎个昶所得者温彦博段志元孔穎達馬周高 行嚴唐儉共二十二 那比李勣裴藝姜遐王君乙速孤神慶乙速孤行儼 國陸 封 孔穎達豬亮房元齡豆盧寬薛收崔敦禮張允李靖 内 山白鹿長樂瑶臺三鄉界古逢蒲 処 **周一百二十里關中金石記載** 張 阿難阿史 一碑與關中記參校所未備者 那忠李勣姜遐乙速孤神 昭陵在醴泉縣西北 「中下宮去 温彦博段志 阿 慶 難 陵 豆盧 六 馬

: 1

寛崔 揭 所 存者歷歲 百字或有至于餘字者自問以爲昭陵碑椎拓之精可無遺 昭 搦殘缺過甚乾隆四十八年昶涖官關中公餘之暇訪 入土者洗 同 工多方掺剔 非亦 其所在大率在 敦 **禮裴藝王君四碑** 十徐 久遠半埋泥 去陵遠矣 縣西北六 而出之 不惜 所 工力無論有字無字務揚其全 醴泉縣 土其露 里計之則當在陵南四五十 搨率皆全本以較 1 而增 郡 王孝同 北十里及二十里二十 出者又為 多唐儉 北之白鹿 砰 渚 原陪葬 風 碑也昭陵諸碑 在 乾陵 雨 家所錄增多數 剶 蝕故諸 · 里 閒 五里者 于是向 諸 今 覓

科 碑 碑按貞觀二十年八月乙亥詔所司於昭駿南左右廂封境 取地以賜功臣其有父祖陪陵子孫欲來從葬者聽獻陵當 亦 **元超而下有數家然無石睿宗橋陵之有雲麾將軍李思** 尚有朱孝誠樊與兩碑 也元宗泰陵之有高力士碑也此石之僅存者也今秦 城希晏亦附葬其先兆而主域無碑名位轉不可改三 皆共後人之附葬者也李廣業當為淄川郡王之後贓懷 估以獻陵碑求冉者 同例于志宵以勛舊陪陵孝顯葢推恩其先人而大猷 濮 燕公于志甯碑 陽令于孝顯碑真觀 个石—— 茶文子立政書院和四年 尚有八種于氏四碑李氏臧氏各二 正書 + 一行書皆精不在陪陵之列 九 心訓 ф

右武衛將軍城懷恪碑與完兖州都督于志微碑關京 明堂令于大猷碑 淄 舊拓本雖清 朗而神氣索然此石疑後人重開不 足學 剱州長史李廣業碑鄭武世 左金吾衛將軍滅希晏碑 川郡公李孝同碑 唐碑選五十種推重陳諫南海廟碑爲處豬之至余當 **書見趙明誠金石錄今佚** 右獻陵八碑于立政碑調露元年十二月陳遺玉八分 御書爲唐大字第一 思植書 以朱庶军碑側 書張 Д

新發於 取 定蘇濟之選學書者視其資性所近各專一 而以從出諸碑枝分派別各緊其後至精者約 含旃近百年來新出各 公砷而 神至曾昌以後風格漸卑氣韻漸薄世以和少師 湍 師 碑中方嚴道整 持論過高後學未易趨步王知敬書不取金剛經 矣 州石室記皆非定論 砌 取少林寺武后詩李北梅書不取李秀嶽麓兩碑 | 花帖其華嶽題名余所收二|| 百餘通 如此者 |如石淙詩序白鶴觀碑淸河公主 尚不少若以唐初諸大家為繼別之宗 碑 如于孝顯魏法師之類精采奕奕 叉其論書宗旨 辺 家以是求之有 山陰 而無 可得百通重 為圭臬故 碎皆 一衛景 爲碩 果 亢 所

こうかん かんしゅうしゅう かんしゅうしゅう

| 判官堂塑象記其配為不經之配其書皆聊且之書至是 **斯文道喪鄉貢學究惡札書丹若晉之奈河將軍廟碑周之** 有懷仁遺矩然皆帶行筆至楷書則絕無精者矣五季兵爭 改元而僭號之碑夙所未聞乃近十年來忽數見不鮮徐懷 質建德 殆亡矣當時學率更者尪瘦欹竦但見棱棱露骨而無停: 延儒雅故其石刻轉有佳者蓋中原文物又渡江而南矣。 古法蕩然矣其時羣藩割據惟吳越不敢顯背中朝正朔 態頗似今坊閒重開之皇甫君碑惟經生所寫剪勝幢 國皆自用其建元然南唐李氏西蜀孟氏緇衣關館 則 王世充輩與高祖同時逐鹿下逮唐末董昌皆稱 朋

イイー

式

疑久之後得唐 燕宁初以為棃靬善眩然其文頗雅赡其書亦道 冶蕊誌聖武口年十 所 五十通其中李崇珣李曠口婆三刻皆 墓誌聖武 順天二 能髣髴于是 一朔載 明元年一章匡伯墓誌開明二年皆洛明王世充年號一鄧國公夫人元氏墓 |年史思明僭號也當唐上元元年朱誌並冠以 筆者自不敢不書偽號憫忠寺寶塔頌至德-三百年僭號之 Ni **表示** |年安祿 胸中疑團渙然冰釋安史僭位以後旣不奉 縣龍聖寺造象上溯貞觀下的貞元共二 月十六日卒其書古拙非宋以後 碑不先不後 僧號 也當唐 至德二 燕刻也 順天年號又得盧嗣 • |載朱文博 出信乎隱 媚有法 鄭 開

之有其時也石唐僭號 救 所書三體陰符經朱乾德中刻於懷惲禪師碑陰 五季以曹名者郭忠恕孫崇望為鐵中錚錚忠恕工分篆其 可見孫崇望哲郭進景範兩碑皆在周顯德中至藝祖受禪 · 灭之楚閩諸國等之自卽衛南吳石華熟精鄉邦掌故旣撰 五季鄰雄石刻流傳之富首推吳越南漢次之西蜀南唐 The second 建豐碑亦皆命崇望書之兩朝鉅製一 宰相朱三作天子世運如此又何怪書學之遞降哉 其書內餘於骨沓拖無與益學王看而得其皮膚者鄭 凡五碑皆開資六年立廟唐太宗廟嵩岳中天 一則 則 王則當時尊為巨擘可知以今觀 * 1 C FAST 14 14 11 手染翰耳 別無他碑 一廟漢光 石五

蜀武成一 廣政五通余嘗得蜀石三刻 前蜀王氏後蜀孟氏其石刻詳見於劉燕庭三巴香古志前 昶 時其相毋昭裔且能捐俸寫 經鏤石晁公武石經攷異序 年琴泉寺經幢一廣政癸亥張匡翊題名皆東武所未收盃 百羅漢記靈景□慶讚齋記皆石華所未見右南漢一則 金武祥太守在容縣搜得南漢都嶠山經幢造象及中峰五 好無恙近時新出土者有大寶五年馬二十四娘墓券江陰 通分平二通天漢一通乾德二通後蜀明德 . 111 武成元年殘造象一武成一 通

直作匡眞余初收得匡聖大師碑後又得匡直大師碑皆完

南漢紀又輯金石志二卷然雲門匡聖匡直兩碑僅見匡聖 本而匡直大師塔銘但據乳源縣志錄其文而已且誤匡!

黄氏藏毛詩殘 紹 **今金石家著錄者皆祗此** 其石為 吳越錢氏 孫 云孝經 逢 所書 〈書左 言書尚書周德貞書周禮 不存所存者禮記數段在合州賓館 論語爾雅廣政甲辰 찶 **监** 氏 施余嘗至武林策蹇 保境安民納土最後 十經厯八年而後成曹能 傳不誌 剔蘚温 人士宦蜀者攜 拓厲樊榭丁龍 尋遺 何人書而 一本耳右前後蜀 以壓 嶡 年及 祥字缺畫 張 湖 君 **汕共觀賦詩** 孫 歸舟今不 德 臣佞佛崇飾梵宇刻經 朋吉書毛 禮 門程心 始 釗 四 中余 官塔裵 川名勝志云諸 周 全谢 詩禮記儀禮 可問津矣錢 辛 則 聞 知 之先輩 亦 山 城楊 隱 爲 造

7

寺二幢耳其所書甲子首鼠兩端或用僭號或奉中國建元 亦有磨去歲月者大都納土後諱之耳東湖叢記采禮耕堂 命工拓之所未得者惟武康風山靈德王廟記及臨安海會 資於石刻附錄如左右吳越一則 禮耕堂叢說或以吳越稱元為非分不知武肅自丁卯迄 羅尼載五年壬申推知建元在戊辰約五年以唐亡故 寶若崇化寺尊勝幢載天寶四年辛未明慶寺白傘蓋陀 亡次年戊辰無可稱天祐五年及天復七年因自建元天 用梁開平乾化等號而廣潤龍王廟碑則稱梁貞明二 |辰二十六年中率篡號者三建國號者三丁卯四月唐 則西湖游覽志餘申歐陽公之說皆及索甚詳頗有

丙子登聖寺摩厓稱龍德元年辛巳上宮詩稱三年癸未 四年因復建元寶大若九里松觀音尊勝幢載二年乙 舜井記載三年貢院橋柱載六年辛卯推知寶大建元在 良以通使故也癸未十月梁又亡次年甲申無可稱龍德 之會別具忠愛繼綿未忍遽舍之至意 與三年壬辰亦以通使故也是其於故國渝亡强臣篡弑 用後唐同光天成等號而天竺日觀庵經幢復稱後唐長 甲申寳正改元在丙戌至六年辛卯實八年以梁亡亦不 叉水月寺幢載寶正元年丙戌招賢寺幢載二 西湖游覽志餘歐陽公五代史敘列國聞諸故老謂吳越 稱帝改元而求其事蹟不可得頗疑吳越後自諱之宋 一年丁亥後 西

吳金石舊著於錄者乾貞 時所改爾 年為庚申前一年已未尙是顯德六年周恭帝禪位於 又按武林飛來峰周欽造象後題歲已未建隆攷建隆元 之歲建隆尚未紀元此亦是錢氏納土之 水月寺幢題實正元年招賢寺幢題實正二年小昭慶 明慶寺幢題天寶五年九里松觀音尊勝幢題寶大二 金牛瑪瑙等各幢皆題實正貢院橋柱題實正六年至今 中石塔有吳越王并年號處皆鐫剷模餬蓋歸宋納 王順伯收臨安府故碑有石屋崇化寺幢題天寶四 一通 建書陀羅尼眞言。余得順義四年縣光化大師碑銘周從三屬金 一通幸場公太和一通 後韓而磨 年

前石刻祗有保大若中與交泰本祗一年昇元六年亦未見 即 削 僭 號 故 本 業 寺 記 元 寂 禪 師 塔 碑 皆 書 宋 元 其 建 號 以 安國寺皆有鐘銘今佚南唐李氏自泰交改元後周師南 無年月確知其為南唐刻也二徐篆尤難得聞通 有拓本嚴氏金陵待訪目網羅極博但存者無幾矣近繆筱 墓銘近山陽縣出土王象之碑目昇之與化院江之開福 保大舊題及今蒐乐未爲寥寂余謂吳越錢氏及江左 珊前輩於棲霞 以從中國年號者為附錄兩唐以楊吳爲 碑壽州金剛經宋全州湘山寺本雖重開年月姓氏尙沿 可援南漢之例各輯一 山訪得衡陽寺三幢座徐楚金兄弟題名 書吳越金石志先次其本國之 11111 卷以李氏為 州 叉新

剛資 朱 會也右南唐一則 熙古楊虛已後來居上然亦囿於院體至蘇黃米蔡四家 章吉老墓表蕪湖新學記非羣玉英光所能仿佛也黃之人 脫去古人畦逕別開生面書派為之 **卷或庶可與錢儼馬令陸** 初承五季之敝書學榛蕪建隆以後豐碑鉅製皆出於袁 氣亦發洩無餘矣蘇書遭元施黨禁剷除殆盡今傳世者 **永隆三** 皆祗二刻且 |孫崇望其次則張仁愿王楊盧駱當時體非國工也 開本涪陵溪堂後人辦香皆在簡牘不知米之朱樂 北漢劉 -LTT- 1-----一不盡有建元邾莒附庸不足與於敦槃之 氏廣運二 游諸 碑及石映墓誌楚馬氏二年天龍寺干楚馬氏 史相 輔 變然漢魏以來醇 而行其餘閩祗 丢 柱五 記溪

刻洛陽橋記視中與項可謂亦步亦趨矣然氣韻終遠不逮 書能於熟處見生操縱雕合不失尺度誠未可以人廢 長筋古沖穆如仙童樂靜不見可欲元度氣格雖稍遜然其 熟省耳楊虛己流媚中有逸氣所書賀蘭栖眞敕極似唐末 不僅顏苦孔卓未達 というない 一年 はしにいて、高を見いて、これに、 偈直追痓鶴銘亦勝於寄嶽雲帖蔡君謨書宜於大書深 向背無千字一 **兵深知書學者也孫崇望尹熙古楊虛已皆所謂** 國路國韓歐無書名為其功業 在三人中固應特 同之理直至宋以後乃有通體圓熟之 聞也蔡元長兄弟行草皆入能品元 出 所掩也温公內屏摩臣 擒

過隙時耳右朱四則 龍岡阡表宋牧仲筠廊偶筆載其為龍神借觀事此齊東之 觀宣政之閒有朱刻皆在此遼沚旣屋金師未入之際白駒 南渡以後神州 诚逛始復舊疆曾未轉瞬并中原而失之今京畿金石惟 自石敬瑭以燕雲十六州歸契丹至宋道君時童貫會金 邑尙有朱刻其時國步雖艱士大夫雅好文章游宦登臨 秦隴與蜀接壤處為兩國犬牙故階成之閒及城固褒城南 言也要之其書自圓機活潑朱文公書碑版實師之 |雄偉突過唐賢文潞公與韓魏公皆學顏而韓爲優正書 狎鷗亭觀魚軒行書岩義鵂行皆直入平原之室歐陽公 7日十 **蠠索淪入金源長淮大河以北無趙家片** 臣 師

The second secon

衡 往 有遺跡其書多詄蕩 山東 濡毫 經 理學如朱晦庵張南軒詩人 朱書當以無礙居士道隱園記及范致能碧虛水 不必以書名惟張樗寮行書號爲精妙今所存有焦 天觀記 書家余 四 石壁 以誌歲月名山洞壑不乏留題名臣如李伯紀胡 城武縣仙 明賀監 爲第 聖傳頌紀年 刻證之建炎以後文穆與方字若最爲秀出 最服膺吾鄉 **阿逸老堂記余所得湻施元年息心銘其石** 其次則趙公碩書中與聖德碩克道 風道骨 可喜與遼金石 也 迴出塵表然非碑版正 石湖居士此 如花致能陸 刻不啻有雅鄭之 非鄉曲阿好試 務觀 派余所 楊誠齋 兩 别 取 山 桂 企

- 110

若行害但以韻勝不若文穆之淵渟嶽峙也且不獨 **燕詩刻手不精稍降** 先後不過七載且覥顏臣虜更非南北羣 宋建炎四年金人立劉豫為帝奉金正朔初稱天會八年其 視素公聖毋帖 豫之境頗有阜昌石刻孫氏著錄者有饒益寺藏春塢記 孟誌字跡 雄 鋊 墓誌祭渾忠武王文并記并牒禹蹟圖 一月改明年元為阜昌至七年十一月仍為金 侧到漢題字共六種趙氏著錄者有矛慶寺大殿記 四時田園雜 | 秀頗得虞褚規模華夷禹 **个石** 孫虔 禮書譜以後殆未見其匹若桂林 一等右南宋二則 與揮霍 頓性磁磹如巖下電不 廣兩圖每折地方 雄可比然陝西齊 華夷圖辞荷 美用用 正書 人所廢 遁

耳右傷齊一 遼碑文字皆出自釋子及村學究絕無佳蹟閒有不書大遼 以前 朝廢也余 **襆被狂走京畿諸邑荒邨古刹足跡** 肵 TO DESCRIPTION OF THE PERSON O 祗七載 碑系遊紀年者中國惟咸雍四年清水院嵗經記 大契丹者猶之拓跋氏代魏兼曹示不忘本之義也同治 載 出土尙少孫氏訪碑錄不及五十種趙撝叔所賴皆 年數之蝸角小朝當時雖稱其正朔不過逢場作劇 年別重修順天府志碑估李雲從承當事之命衰糧 山 川多與古合唐朱以 又收得阜昌八年號縣磻溪鄉朱近買地劵豫僭 而此稱八年或鄉曲尙未知其被廢或并初立未 則 來地圖莫古於此未 殆遇所得遼碑視孫 刻

寺碑篆書王荆公詩刻矩度森嚴唐宋名蹟無以過之尤奇 者紹聖以後中國禁蘇書甚嚴而金人皆喜效其 寺碑學柳誠懸世有出監之譽金碑第一 一倍蓰過之余豬錄遼瞳五十餘通皆其時拓本也其中多唐 金源雖與遼同起朔方戎馬之餘頗能講求文字沂 如今刻皆之宋體字資草者 寺滌公開 次之党懷英之分篆王庭筠楊廷秀之行草皆稱名筆金 懷英篆額余收得其分書普照寺照公開堂疏十方靈 **即婦之類北館喬野之風於此可見** 惟劉李河白氏兩幢結構尚可觀此 堂疏洪 福寺壽公靈塔銘石 如市中計 **簿滿幅題名皆某兒** 獲鹿奇石山摩厓 外行列整齊者 加靈

碑以為 綱遺行記皆頗有長公筆意鳥臺之案不能行於鄰國 不過 分景 山吐氣 **船這普體迥異著錄家不至誤收惟遼金各有大安** 輔奉天別有兩三通女員則秦晉兖隊齊魯之 以前無有也築路藍縷 此 錄始 |碑立於大安六年迺遼刻耳仲弢不覺媳 兩周甲子易茲疑實戴時黃仲弢學士收得 |刻碑佔李雲從折之云金大安祗有三年卽改| 於會 限於帽員耳 昭宗年號同金之貞元與唐德宗年號同 同天顯以前無有也金碑落錄 アンタは 別の 一般の 日本の できる 以啟强故未遑制作至 始於 服 郊皆有 一遊碑

遼碑多釋子之文金自大定以後崇尚道流馬丹陽邱長春 詞石刻沿及元初此風未革長春入元世祖置之帷幄詢茲 黃髮其教益昌道書刻石者終南則有篆體道德經三原 有昇江經常清靜經五臺則有孫眞人福壽論元敎大宗 終宋之世與遼金南北分疆此外惟趙氏父子割據靈武改 太宗以逮定憲四朝平津著錄釋氏之碑十之三道家之碑 張留孫碑趙承旨至爲書兩通南北分建之自入大朝太祖 十之七於此可覘彼教之盛衰時君之好惡右遼金五則 天祐民安五年所立在今涼州武威縣土人謂之番字碑以 元建號延祚綿長至西遼亡尙永亡其石刻惟有感通塔碑 三重陽其最著也其次則杜天師 忽然譚眞人所雲皆有詩 引 帥

其 見貽儂智高曾改元啟厯而邕桂之閒無其片石更無論 感 則 通塔 方臘輩矣 手張 刻於 無良匠拓本模餬不可辨惟正面尚完善問有 里一小刹 見有黑河建 郡志補釋十餘字碑文共八行行三十字後年月題名五 面為西夏文也同里彭誦 種奉使 碑出土未久西夏未見第二刻余按部至甘 乾祐六年丙申歲卽朱孝宗湻熙三年也題名有 世恭筆 中郎 西來第 橋敷在下龍 上字闕當是書此碑者從此篋 郡僚迎賓之地也碑兩面刻其陰亦番字 快事因世尠 神廟旋訪得於 田刺史令武威時曾 知者 放錄其文 弱水東岸距 中又 剝蝕之處 垍 拓 加左 州 閱 两 郡 通

THE RESERVE OF THE PARTY OF THE

如曠如享堂原廟遺跡尚存其中當更有貞珉可訪將伯 予日望之 饗好古之士 啊 濟之鬴 聖光菩 致也今朕 饼 玉 載 駁精 虔幸 冀 汝等 諸 多 鑒 神 廓 慈 悲 之 自是之後水患頓息固知諸神冥歆朕意陰加擁 橋嘉美 **救鎮夷郡境內** 與建 水神龍神樹 交矣 斯誠 此橋普令 薩哀憫此河年年暴漲漂蕩人畜故以第一 賢覺興造之功仍罄處懇躬衍 一聞宵夏賀蘭 利第三 神土第 黑 水 河 國便民之大端也朕昔已 切往 山為夏國陵寢所在峰巒药 下所有隱顯 地諸 返有情咸免徒涉之患皆需 神等成聽朕命 四祭汝諸 切水土之主 的 ir Fl 佑之 親臨 神 質問 所 助

敦煌 宋乾德六年水月觀音畫象寫經卷子 桐道 最新的 丁丁丁 小月的 佐藤寺 最近衛衛子 接下 かられいれる ラ 立石行 心恢濟渡之德重加神力密運威靈符六庶幾水患永息 **勿替朕** 灯 魔大令宗翰以名進士作宰此邦助余搜討先後寄 傾哆節 **外長令此諸方有情俱蒙利益** 水監王延慶行 行〇上年月題名五行右西夏二則 佛洞即古之莫高窟也洞扉封以一 方諸聖 ○上鉄郭□正行 八大夏乾 然開朗始顯於世中藏碑版經象甚夥楚 之心抑亦可副朕之宏願也諸神鑒 口七年歲 0 內大勾當 次丙申九月二十五 上缺年手張世恭下缺 水梵葉水各二 佑我邦家則豈 鎮夷郡正兼郡 九泥十餘 惟

砰僅存 **贊普係吐蕃君長之號猶匈奴之稱單于突厥之稱可汗冠** 以聖神二字則彼風人士尊其君之詞猶中國皇帝之有微 碑 之而問羅鳳即用以紀年然非牽其正朔要不得爲吐蕃 角存七行行自 書一 拙確為唐經生體與東瀛海舶本無異又諸墨拓中有斷 八普鍾 也以是定為吐蕃刻無可疑矣效喇薩吐蕃會盟碑 雛 上一石第九行有聖神贊普万里化均四鄰慶□云云 閒有贊善鍾紀年改之舊唐書吐蕃以南詔問 兩角上一角存十二行行自十一字至三字不等下 **蠻人稱弟為鍾蓋是時南詔服屬于吐蕃故以弟** 面唐古忒文刻於長慶元年仍爲唐人所立南詔諸 四字以下不等年月已佚亦無撰書 Ë 羅 鳳爲 人可 面

初 書牛兒年之類是也然少林寺聖旨碑延祐元年所立而 朱人書長於簡札而不宜於碑版至趙交敏出重規聲矩 朝二字亦有書十二辰禽名者如建子則書風兒年建丑 千餘載不先不後自余度隴而始顯得以摩挲之欢訂之不 旨三道一 元起沙漠開國之初未有建元其碑刻但書甲子或上冠 可黎可足以後文字出土者僅此 三年亦改至元世謂之後至元碑書年月或繫後字亦有竟 調非器林之佳話已石吐蕃一則 制世祖即位建元中統至五年改至元其後順帝踐阼之 至元者不可不辨也 **書雞兒年**一 **菩龍兒年一書鼠兒年則中薬尚沿** 一通耳窃遏荒磧沈埋 則

書家各分壇坫惟文敏開闢鴻濛籠阜羣有元百年中莫與 碑篆書惟利津縣廟學碑亦非豬奐周伯琦所可及也唐宋 前賢謂韓文起八代之衰余謂趙書亦起兩宋之衰溯其生 **乎化境當為趙書第一亦為元碑第** 孫兩碑為正矩華亭居竹記青神山陳氏墓表超出恆蹊純 不知此碑但以姿勝未爲傑構鷗波墨妙自以許熙載張留 裔同年李木齋府丞嘗專輯趙碑為一 文敏兼工四體然不恆以分篆書碑分書惟貞文先生揭君 平洊厯五朝年登大耋自至元以迄至治所書碑版照耀 羅亦不下五十通童時見舉子學書皆習重陽宮御服碑 7.... 目夏然成帙余先後 四

助莊嚴奄有登善北海平原之勝有元

代豐碑皆出其手

ことはらいとかない あんこうかん

鮮 南祠堂記廬山東林太平與龍寺記皆未能突過子昂也後 為文名所掩然余所見蕭山學碑陰記伯機書也處書有滹 超亦步要不能出其範圍俞紫芝稱高足弟子然書碑絶少 鮮不以為唐碑也此兩家足稱後勁右元 余所見學趙而能亂眞者惟仲穆范氏義田記庶幾不失家 行書世不甚重之然其書精勁奕奕有神試掩其歲 家能脱去鸱彼 兩 惟朱仲温學鍾太傅而參以章草之法沖續古質自成 于伯機精於鹽藏亦負當代重望處道園揭曼碩哲學並 大自是宋以後 The state of the state 1 面目岳林寺幻住經堂記至正二年王元恭 大宗同時若 Ш 則 月視

宁右准張一 之今例州尚有迎蔣門記臨湖門記皆天祐三年僚介撰 天祐 元末羣雄並起惟准張崇獎文士關館延賓東南士流多 歐陽公集古錄近收五季明初距今將六百年不啻歐公之 覃谿輯粤東金石略兼收明碑夫明碑誠不勝收然必俟之 以天水為斷至儀後阮氏陽湖孫氏始推廣其例至元末 **視六朝也豈可以近而賤之乾嘉諸老如畢中丞王侍郞皆** 罕而見珍則杞朱無徵搶桑已易其存者亦如缺月娟娟 雲霧不重可惜 七年蕭山武祐廟記即為劉青田所撰使著錄歐碑但收 即士誠僭號其三年當至正之十六年饒介時攝湖 一則 **严且宋仲温危太朴諸人明初尚在至正** 1 36.

可信乎右 幽瓷之 此 於元而勝朝名跡別裝池為叢帖端午 唐之 光書碑遍 周公瑕之 氏萃編舉保管寺鐘 誌 類或冠以皇字或冠以聖字或通用大字或變用 此余所見蔣舒行修六和塔記首亦題大朱國吾吳 文與漢唐古刻並蓄兼收不可謂非愛古 也古碑書國號或於上加有字或加維字如有唐 井欄文中有大朱 石而化度 南 明 流骨董家市駿干金未必眞跡則何如 北若 則 氣而錄之可與趙 禮泉諸 一款首題 刻 國 概 大朱國謂後 兩 浙 從 割 西路平江府云云 文敏埒薛虞 愛 橋 可 大元國 制 乎余碑目亦 府 大明 卿 也 侚 國 徴 明

出帝 寺孜朱 太守 漢 福 如 大泉寺新三門 亦 慶慕表文云父生 + 以通容 通容 劉 而書之 改元開運之處後漢高 則 從金 無 一年六月改國號 之 亦 儿 開 可謂 紀 用漢 稱 作 年歲在 明之號 炎漢也 年 鉅 一种之 記 者 此唐朱碑所其也朱 尉 此兩碑皆杜 甲辰共年大 叉宋開寶六年重書龍池石塊記首 稱劉朱問明二年 例 無術矣又元 又稱神 擴废庚申妣生 右 漢 祖以 國號計法 明年 朱按漢 撰 開 早陽湖陸 年號 泰定五年贈甯海 運 JE 碑有 邑介顏鼈 周 四年二 月改元 川川 憬 流 於擴慶 俗 氏 稱 砕額題 乾 月卽位 日甲辰後晉 傳 炎朱以火 굶 丙辰錢 闘 祖給宅 乘筆 神漢柱 稱 德 柳 知

The state of the s

語石卷一 不是重後 僅 追 有慶元 述亳 知曹修主見 云丙辰宋慶元二年也庚申慶元六年也元時江浙行 何魏定紀 此 ではないでは、あっては人というできません。 というないのでは、「ころ」という。 以年晉年 謬號禪非 碑 | 誤非院周公又 至元碑也杜拔 此魏有當君唐 高云是墓碑 右歡東周誌述 何 獨于 杜北魏武周前 撰齊黃帝天代 年亦初天統紀常嶽 宋 號非三和二年宗卓 之 一東年二年往韓宋 年 號 則魏高年終往 前